

Desde Desenvolvemento Local do Concello de Verín infórmase da publicación da convocatoria de *axudas en especie para a realización do proxecto demostrador denominado impulso da adopción das tecnoloxías da información e as comunicacións no sector de canle de distribución da industria editorial 2011*.

O obxecto consiste na posta a disposición dos autónomos e pemes beneficiarios, da “Solución Xestión de Punto de Venda” e comprenderán os medios técnicos, os equipos informáticos e o software necesario para a implantación da solución, así como o asesoramento e a asistencia correspondente para proceder á devandita implantación.

Os beneficiarios deberán ser autónomos e pemes que cumpran, e acreden mediante documentación correspondente, todos e cada un dos seguintes requisitos específicos:

- a) Dispoñer dun contrato de conexión a Internet de Banda Ancha, así como de dirección de correo electrónico, durante o período establecido no punto 2 da Base novena.
- b) Ter un equipo de entre 0 e 9 empregados.
- c) Ter un volume de negocio anual ou un balance xeral anual que non exceda de 2 millóns de euros.
- d) Desenvolver a súa actividade principal no sector de canle de distribución da industria editorial (comercio polo miúdo de libros, xornais e papelaría) (CNAE 2009: 4761 Comercio ao por menor de libros en establecementos especializados e 4762 Comercio ao por menor de xornais e artigos de papelaría en establecementos especializados).
- e) Ter unha antigüidade mínima de dous (2) anos dende a súa constitución. O devandito prazo resulta imprescindible para medir obxectivamente a produtividade inicial consolidada da empresa e a produtividade final despois do Proxecto Demostrador.
- f) Non estar incuso en ningunha das prohibicións previstas no artigo 13.2 da Lei 38/2003, Xeneral de Subvencións.
- g) Non se tratar dunha empresa de natureza pública ou con conxunto de accionistas da devandita natureza.
- h) Que o seu domicilio social estea establecido nalgúnha das seguintes Comunidades Autónomas: Andalucía, Canarias, Comunidade Valenciana, Extremadura, Castela La Mancha, Asturias, Galicia ou Castela e León.

Ademais, os solicitantes deberán achegar a correspondente certificación de estar ao corrente das súas obrigas tributarias e coa Seguridade Social.

O prazo para a presentación destas solicitudes remata o 19 de outubro de 2011.

Para máis información e tramitación deben dirixirse á oficina de Desenvolvemento Local, situada no primeiro piso do Concello de Verín ou no teléfono 988-410000.